

ՆՇԱԹԵՐԹ

պետական գրանցման
մասին տեղեկությունների

«ՄԼ ՖԵՇՆ»

Սահմանափակ

պատասխանատվությամբ ընկերություն

Գրանցված է Հայաստանի Հանրապետության
արդարադատության նախարարության իրավաբանական
անձանց պետական ռեգիստրի գործակալության կողմից



ՀՀ ԱՆ իրավաբանական անձանց պետական
ռեգիստրի գործակալություն
Քրիստինե Նաղդալյան

Գրանցման ամսաթիվ՝

Գրանցման համար՝

ՀՎՀՀ՝

11.09.2017

271.110.973610

01277609

Պետական գրանցման մասին տեղեկությունների նշաթերթը էլեկտրոնային եղանակով ձևավորված է ՀՀ ԱՆ
իրավաբանական անձանց պետական ռեգիստրի տեղեկատվական համակարգի կողմից և հանդիսանում է
«ՄԼ ՖԵՇՆ» Սահմանափակ պատասխանատվությամբ ընկերություն նոր խմբագրությամբ կանոնադրության
անբաժանելի մասը:



Սույն նոր խմբագրությամբ կանոնադրության գրանցումը հավաստվում է համակարգի կողմից
գեներացված RB6E-26D7-E166-BDB7 ծածկագրով քաղվածքով, որի իսկությունը և արդիականությունը
կարող է ստուգվել փաստաթղթերի վավերականության ստուգման միասնական համակարգում (e-
verify.am):

Կազմված է 13.04.2026 թ.
Բաղկացած է 13 թերթից
Տպագրված է ընդամենը 2 օրինակ

ՕՐԻՆԱԿ 1

ՀԱՍՏԱՏՎԱԾ Է
«ՄԼ ՖԵՇՆ»

սահմանափակ պատասխանատվությամբ
ընկերության մասնակցի
13.04.2026 թ. թիվ 03/26

Տնօրեն՝



Լ. Մարտիրոսյան

13.04.2026

Գ Ր Ա Ն Ց Վ Ա Ծ Է
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹՅԱՆ ԿՈՂՄԻՑ
Գրանցման համար՝ 271.110.973610
11.09.2017թ.

ՀՎՀՀ 01277609

22.12.2023թ. գրանցված կանոնադրության թիվ
02/2 փոփոխությունը գրանցված է
իրավաբանական անձանց պետական ռեգիստրի
գործակալության կողմից

17. 04. 2026թ.



աշխատակից

«ՄԼ ՖԵՇՆ»

ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ

ԿԱՆՈՆԱԴՐՈՒԹՅՈՒՆ

ՆՈՐ ԽՄԲԱԳՐՈՒԹՅԱՄԲ

I. ԸՆԴՀԱՆՈՒՐ ԴՐՈՒՅԹՆԵՐ

1. «ՄԼ ՖԵՇՆ» սահմանափակ պատասխանատվությամբ ընկերությունը (այսուհետ՝ Ընկերություն) համարվում է շահույթ ստանալու նպատակով հիմնադրված առևտրային կազմակերպություն հանդիսացող իրավաբանական անձ, որի կանոնադրական կապիտալը բաժանված է սույն կանոնադրությամբ սահմանված չափերով բաժնեմասի (բաժնեմասերի):

Ընկերության մասնակիցները (մասնակիցը) պատասխանատու չեն (չէ) Ընկերության պարտավորությունների համար և իրենց ներդրած ավանդների արժեքի սահմաններում կրում են Ընկերության գործունեության հետ կապված վնասների ռիսկը:

2. Ընկերության իրավունակությունը ծագում է նրա ստեղծման (պետական գրանցման) և դադարում է լուծարման ավարտի պահից:

3. Ընկերությունն ունի կյոՐ կնիք: Ընկերության կնիքը պարունակում է հայերենով, ռուսերենով և անգլերենով իր ֆիրմային անվանումը, հարկ վճարողի հաշվառման համարը, ինչպես նաև օրենքով և Հայաստանի Հանրապետության կառավարության կողմից սահմանված այլ վավերապայմաններ: Ընկերությունը կարող է ունենալ դրոշմներ և ձևաթղթեր, ինչպես նաև խորհրդանիշ, օրենքով սահմանված կարգով գրանցված ապրանքային, առևտրային և այլ նշաններ ու անհատականացնող այլ միջոցներ:

4. Ընկերությունն իր գործունեության ընթացքում ղեկավարվում է Հայաստանի Հանրապետության քաղաքացիական օրենսգրքով (այսուհետ՝ Օրենսգիրք), «Սահմանափակ պատասխանատվությամբ ընկերությունների մասին» Հայաստանի Հանրապետության օրենքով (այսուհետ՝ Օրենք), Հայաստանի Հանրապետության իրավական այլ ակտերով և սույն կանոնադրությամբ:

5. Ընկերության մասնակիցների (մասնակիցի) և Ընկերության միջև հարաբերությունները կարգավորվում են Օրենսգրքով, Օրենքով և սույն կանոնադրությամբ:

6. Ընկերությունն իր պարտավորությունների համար պատասխանատու է իրեն պատկանող ամբողջ գույքով:

Ընկերությունը պատասխանատու չէ իր մասնակիցների պարտավորությունների համար:

7. Հայաստանի Հանրապետությունը և Հայաստանի Հանրապետության համայնքները պատասխանատվություն չեն կրում Ընկերության պարտավորությունների համար: Ընկերությունն իր հերթին պատասխանատվություն չի կրում Հայաստանի Հանրապետության և Հայաստանի Հանրապետության համայնքների պարտավորությունների համար:

8. Ընկերության ֆիրմային անվանումն է՝

հայերեն լրիվ՝	«ՄԼ ՖԵՇՆ» սահմանափակ պատասխանատվությամբ ընկերություն
կրճատ՝	«ՄԼ ՖԵՇՆ» ՍՊԸ
ռուսերեն լրիվ՝	"МЛ ФЭШН" Общество с Ограниченной Ответственностью
կրճատ՝	"МЛ ФЭШН" ООО
անգլերեն լրիվ՝	"ML FASHION" Limited Liability Company
կրճատ՝	"ML FASHION" LLC

9. Ընկերության գտնվելու վայրը և իրավաբանական (փոստային) հասցեն է՝
2406 ՀՀ Կոտայքի մարզ, համայնք Նաիրի գ. Զովունի 4-րդ փող. 120-2/1

2. ԸՆԿԵՐՈՒԹՅԱՆ ՍՏԵՂԾՄԱՆ ՆՊԱՏԱԿԸ ԵՎ
ԻՐԱՎՈՒՆԱԿՈՒԹՅՈՒՆԸ

10. Ընկերության ստեղծման նպատակն է տնտեսական գործունեություն իրականացնելու ճանապարհով շահույթի ստացումը:

11. Ընկերությունը կարող է իրականացնել օրենքով չարգելված ցանկացած տնտեսական գործունեություն՝ ունի օրենքով չարգելված գործունեության ցանկացած տեսակներ իրականացնելու համար անհրաժեշտ քաղաքացիական իրավունքներ և կրում է այդ գործունեության հետ կապված քաղաքացիական պարտականություններ:

12. Ընկերությունն իրականացնում է հետևյալ գործունեության տեսակները.

ա) Մանրածախ, մեծածախ առևտուր

բ) հագուստի արտադրություն

Օրենքով սահմանված գործունեության առանձին տեսակներով Ընկերությունը կարող է զբաղվել միայն հատուկ թույլտվության (լիցենզիայի) առկայության դեպքում՝ լիցենզիա ստանալու պահից կամ նրանում նշված ժամկետում: Եթե լիցենզիայի հատկացման պայմաններում նախատեսված է, որ Ընկերությունը բացի լիցենզավորվող գործունեությունից այլ գործունեությամբ զբաղվել չի կարող, կամ սահմանափակումներ են դրվում գործունեության առանձին տեսակներով զբաղվելու վրա, ապա Ընկերությունը լիցենզիայի գործողության ժամկետում իրավունք չունի զբաղվել այլ գործունեությամբ, բացառությամբ լիցենզիայով նախատեսվածների կամ այլ գործունեություններով, որոնց մասին նշված է հատուկ թույլտվությունում (լիցենզիայում):

Ընկերության իրավունակությունը ծագում է նրա ստեղծման և դադարում է լուծարման ավարտի պահից:

Ընկերության կողմից այնպիսի գործունեություն իրականացնելու իրավունքը, որով զբաղվելու համար անհրաժեշտ է հատուկ թույլտվություն (լիցենզիա), ծագում է նման թույլտվությունը ստանալու պահից կամ դրանում նշված ժամկետում և դադարում է դրա գործողության ժամկետի ավարտով, եթե այլ բան սահմանված չէ Օրենքով կամ այլ իրավական ակտերով:

Ընկերության իրավունքները կարող են սահմանափակվել միայն օրենքով նախատեսված դեպքերում և օրենքով սահմանված կարգով:

3. ԸՆԿԵՐՈՒԹՅԱՆ ԻՐԱՎԱԿԱՆ ԿԱՐԳԱՎԻՃԱԿԸ, ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

13. Պետական գրանցման պահից Ընկերությունը ձեռք է բերում իրավաբանական անձի կարգավիճակ:

Ընկերությունը, որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով, կարող է իր անունից կնքել պայմանագրեր, ձեռք բերել ու իրականացնել գույքային և անձնական ոչ գույքային իրավունքներ, կրել պարտավորություններ, դատարանում հանդես գալ որպես հայցվոր կամ պատասխանող:

Ընկերությունն ունի ինքնուրույն հաշվեկշիռ, Հայաստանի Հանրապետության և (կամ) օտարերկրյա բանկերում՝ հաշվարկային բանկային հաշիվներ (դրամով, տարադրամով):

14. Ընկերությունը կարող է լինել նալ ընկերության (այդ թվում՝ դուստր ու կախյալ) հիմնադիր (մասնակից), բացառությամբ Օրենսգրքով, Օրենքով և այլ օրենքներով նախատեսված դեպքերում:

15. Ընկերությունն իրավունք ունի ստեղծել՝ մասնաճյուղեր և ներկայացուցչություններ, ինչպես Հայաստանի Հանրապետության, այնպես էլ այլ պետությունների տարածքում:

Կառավարչական, սոցիալմշակութային, կրթական կամ ոչ առևտրային բնույթի այլ գործունեություն իրականացնելու համար Ընկերությունը կարող է ստեղծել հիմնարկներ:

Ընկերության մասնաճյուղերը, ներկայացուցչությունները և հիմնարկներն իրավաբանական անձինք չեն և գործում են Ընկերության հաստատած կանոնադրությունների հիման վրա, իսկ նրանց ղեկավարները գործում են Ընկերության լիազորագրերի հիման վրա:

Ընկերության մասնաճյուղերը, ներկայացուցչությունները և հիմնարկները ստեղծվում են մասնակիցների ընդհանուր ժողովի որոշումների հիման վրա (մասնակցի որոշմամբ):

16. Ընկերությունն իրավունք ունի.

1) Հայաստանի Հանրապետությունում օրենսդրությամբ չարգելված ցանկացած ձևերով ձեռք բերել գույք, այդ թվում արժեթղթեր, տիրապետել, օգտագործել ու տնօրինել դրանք և դրանցից ստացված եկամուտը կամ այլ օգտակար արդյունքը,

2) ինքնուրույն կազմավորել իր ֆինանսական ռեսուրսները, այդ թվում փոխառու միջոցների ներգրավմամբ, Հայաստանի Հանրապետությունում և այլ պետություններում ստանալ բանկա-յին և առևտրային վարկեր, այդ թվում՝ արտարժույթով, օրենսդրությամբ սահմանված կարգով իր անունից թողարկել և տարածել արժեթղթեր,

3) օտարել, վարձակալության տալ, փոխանակել, օրենսդրությամբ չարգելված այլ ձևերով փոխանցել գույքային իրավունքներ, լինել գրավառու և գրավատու,

4) օրենսդրությամբ սահմանված կարգով արտահանել և ներմուծել գույքի օբյեկտներ, արտադրված, գնված և այլ օրինական ձևով ստացված արտադրանք, ծառայություններ մատուցել և աշխատանքներ կատարել օտարերկրյա իրավաբանական անձանց և (կամ) ձեռնարկությունների, կազմակերպությունների և քաղաքացիների համար, օգտվել նրանց կատարած աշխատանքներից և մատուցած ծառայություններից, այլ պետություններում նրանց օրենսդրությանը համապատասխան իրականացնել ներդրումներ, ստեղծել իրավաբանական անձիք և (կամ) ձեռնարկություններ և անդամակցել իրավաբանական անձանց և (կամ) ձեռնարկությունների,

5) օգտվել օրենսդրությամբ և սույն կանոնադրությամբ սահմանված այլ իրավունքներից:

17. Ընկերությունը պարտավոր է.

1) օրենսդրությամբ կամ այլ իրավական ակտերով սահմանված կարգով իրականացնել հաշվապահական հաշվառում և ներկայացնել վիճակագրական հաշվետվություն,

2) աշխատանքային պայմանագրեր կնքել Ընկերության աշխատակիցների հետ,

3) պատասխանատվություն կրել և փոխհատուցել իր կողմից հասցրած վնասը՝ կնքած պայմանագրերը չկատարելու կամ ոչ պատշաճ կատարելու, այլ անձանց սեփականության իրավունքը խախտելու համար,

4) օրենսդրությամբ սահմանված կարգով հայտարարել Ընկերության սնանկացման մասին այն դեպքում, երբ հնարավոր չէ բավարարել պարտապանների օրինական գույքային պահանջները,

5) տեղեկություններ հրապարակել Ընկերության կանոնադրական կապիտալի նվազեցման մասին (Օրենքով և այլ իրավական ակտերով սահմանված կարգով ու ժամկետներում),

6) տեղեկություններ հրապարակել սահմանափակ պատասխանատվությամբ ընկերության կանոնադրական կապիտալի կամ բաժնետիրական ընկերության քվեարկող բաժնետոմսերի ավելի քան քսան տոկոսը ձեռք բերելու մասին,

7) ապահովել Ընկերության փաստաթղթերի (Ընկերության կանոնադրության, գույքի նկատմամբ գույքային իրավունքները հաստատող փաստաթղթերի, Ընկերության ներքին փաստաթղթերի, առանձնացված ստորաբաժանումների ու հիմնարկների կանոնադրությունների, տարեկան հաշվետվությունների, հաշվապահական հաշվառման փաստաթղթերի, կառավարման մարմինների նիստերի արձանագրությունների, Հայաստանի Հանրապետության օրենքներով և այլ իրավական ակտերով նախատեսված այլ փաստաթղթերի) պահպանումը,

8) կրել օրենսդրությամբ և սույն կանոնադրությամբ սահմանված այլ պարտավորություններ:

4. ԸՆԿԵՐՈՒԹՅԱՆ ՄԱՍՆԱԿԻՑՆԵՐԸ, ՆՐԱՆՑ ԻՐԱՎՈՒՆՔՆԵՐՆ ՈՒ

ՊԱՐՏԱԿԱՆՈՒԹՅՈՒՆՆԵՐԸ

18. Անձը համարվում է Ընկերության մասնակից իրավաբանական անձանց պետական գրանցումն իրականացնող մարմնի կողմից Ընկերության մասնակիցների գրանցամատյանում գրանցվելու պահից: Մասնակիցները կարող են փոփոխվել Օրենսգրքով, Օրենքով և Ընկերության կանոնադրությամբ սահմանված կարգով՝ մասնակիցների ընդունման, ազատման, հեռացման, ամբողջ բաժնեմասի օտարման միջոցով, ինչպես նաև մասնակցի ամբողջ բաժնեմասի վրա բռնագանձում տարածելու կամ այն բռնագրավելու դեպքում:

19. Ընկերության մասնակիցներն իրավունք ունեն՝

1) Օրենքով կամ սույն կանոնադրությամբ սահմանված կարգով մասնակցել Ընկերության կառավարմանը՝ ներկա գտնվել ընդհանուր ժողովին, հանդես գալ առաջարկություններով, մասնակցել օրակարգային հարցերի քննարկմանը և քվեարկել որոշումներ ընդունելիս,

2) ստանալ Ընկերության գործունեությունից ստացվող՝ օրենքով սահմանված շահույթի մասը,

3) Ընկերության լուծարման դեպքում ստանալ պարտատերերի հետ կատարված հաշվարկներից հետո մնացած գույքի մասը կամ դրա արժեքը,

4) ստանալ տեղեկություններ Ընկերության գործունեության մասին, ծանոթանալ հաշվապահական հաշվառման, հաշվետվության, Ընկերության արտադրատնտեսական գործունեության այլ փաստաթղթերի հետ,

5) Օրենքով սահմանված կարգով իր բաժնեմասը (դրա մասը) օտարել Ընկերության մեկ կամ մի քանի մասնակիցների կամ երրորդ անձանց,

6) ցանկացած պահի դուրս գալ Ընկերությունից (անկախ մյուս մասնակիցների համաձայնությունից),

7) հայցով դիմել դատարան՝ Ընկերության մասնակիցների ընդհանուր ժողովի կողմից ընդունված և գործող օրենքներին և այլ իրավական ակտերին հակասող որոշումների բողոքարկման նպատակով,

8) օգտվել Օրենքով, Ընկերության կանոնադրությամբ կամ Ընկերության մասնակիցների միաձայն որոշմամբ սահմանված այլ իրավունքներից,

20. Ընկերության մասնակիցները պարտավոր են՝

1) ներդրումներ կատարել Ընկերության կանոնադրական կապիտալում Ընկերության հիմնադրման մասին պայմանագրով կամ Ընկերության մասնակիցների միաձայն որոշմամբ սահմանված կարգով,

2) չիրապարակել Ընկերության գործունեության վերաբերյալ գաղտնիք պարունակող տեղեկություններ, բացի օրենքով սահմանված դեպքերից,

3) կատարել Ընկերության նկատմամբ ստանձնած պարտավորությունները,

4) պահպանել սույն կանոնադրության դրույթները:

Ընկերության մասնակիցները կրում են նաև օրենքով և Ընկերության կանոնադրությամբ սահմանված այլ պարտականություններ:

21. Ընկերության կանոնադրական կապիտալում բաժնեմասը փոխանցելը.

22. Ընկերության մասնակիցն իրավունք ունի իր բաժնեմասը (դրա մասը) վաճառել կամ այլ՝ օրենքով չարգելված ձևով, օտարել Ընկերության մեկ կամ մի քանի մասնակիցների, ինչպես նաև երրորդ անձանց: Ընդ որում, մյուս մասնակիցներն ունեն այդ բաժնեմասը նույն գնով ձեռքբերման նախապատվության իրավունք՝ Ընկերության կանոնադրական կապիտալում իրենց բաժնեմասերին համամասնորեն:

Եթե ընկերության մյուս մասնակիցները չեն օգտագործել բաժնեմասը (դրա մասը) գնելու նախապատվության իրենց իրավունքը կամ այն օգտագործել են մասամբ, ապա Ընկերությունն ունի այդ բաժնեմասը նույն գնով ձեռքբերման նախապատվության իրավունք:

Մասնակիցների, ինչպես նաև Ընկերության կողմից իրենց վաճառվող բաժնեմասերի ձեռքբերման նախապատվության իրավունքը չիրականացնելու դեպքում բաժնեմասերը կարող են օտարվել երրորդ անձանց:

Օրենքով նախատեսված բաժնեմասը գնելու նախապատվության իրավունքի զիջում չի թույլատրվում:

23. Երրորդ անձանց օտարման անհնարինության դեպքում մասնակցի պահանջով Ընկերությունն ինքը պարտավոր է ձեռք բերել մասնակցի բաժնեմասը, այն իրացնել մեկ տարվա ընթացքում այլ մասնակիցների կամ երրորդ անձանց կամ որոշում ընդունել բաժնեմասի չբաշխված մասի մարման ճանապարհով Ընկերության կանոնադրական կապիտալի նվազեցման մասին:

24. Նախապատվության իրավունքի (այլ մասնակիցների կողմից վաճառվող բաժնեմասերի ձեռքբերման) իրականացման ժամկետը սահմանվում է մեկ ամիս: Ընկերության մասնակիցը, ով ցանկանում է վաճառել իր բաժնեմասը (դրա մասը), պարտավոր է այդ մասին գրավոր տեղյակ պահել Ընկերությանը՝ նշելով գինը և վաճառքի մյուս պայմանները: Ընկերությունն այդ մասին

արությանը՝ պատվիրված նամակով կամ անձամբ հանձնելով, հայտնում է Ընկերության մյուս մասնակիցներին:

25. Ընկերության կանոնադրական կապիտալի բաժնեմասերն անցնում են Ընկերության մասնակից քաղաքացիների ժառանգներին և իրավաբանական անձանց իրավահաջորդներին միայն Ընկերության մնացած բոլոր մասնակիցների համաձայնությամբ: Ընդ որում բաժնեմասն անցնելու համար համաձայնություն չտալու, ինչպես նաև ժառանգի (իրավահաջորդի) բաժնեմասից հրաժարվելու դեպքում դրա արժեքի վճարումը կատարվում է սույն կանոնադրության 27-րդ կետում սահմանված կարգով:

26. Ընկերության մասնակիցը (մասնակիցները), ով (ովքեր) գումարային առումով տնօրինում է (են) Ընկերության առնվազն 10 տոկոս բաժնեմասը, իրավունք ունի (ունեն) դատական կարգով պահանջել Ընկերության այլ մասնակցի հեռացումն Ընկերությունից, եթե նա իր գործողություններով կամ անգործությամբ դժվարացնում կամ անհնարին է դարձնում Ընկերության բնականոն գործունեությունը:

Ընկերությունից հեռացված մասնակցի բաժնեմասն անցնում է Ընկերությանը: Ընկերությունը պարտավոր է հեռացված մասնակցին վճարել բաժնեմասի արժեքը սույն կանոնադրության 27-րդ կետով սահմանված կարգով:

27. Ընկերությունից դուրս եկող մասնակցի բաժնեմասը դուրս գալու դիմումը ներկայացնելու պահից փոխանցվում է Ընկերությանը:

Ընկերության մասնակցի՝ Ընկերությունից դուրս գալու հետ կապված հաշվարկները կատարվում են հետևյալ կարգով.

1) վճարվում է կանոնադրական կապիտալում նրա բաժնեմասի (կանոնադրական կապիտալում նրա ավանդի ոչ լրիվ վճարման դեպքում՝ վճարված մասին համապատասխան բաժնեմասի) արժեքը,

2) բաժնեմասի արժեքը որոշվում է դուրս գալու մասին դիմումը ներկայացնելու պահին Ընկերության վերջին հաշվետու ժամանակաշրջանի հաշվապահական հաշվետվությունների հիման վրա,

3) մասնակցին նրա համաձայնությամբ կարող է տրվել նրա բաժնեմասի արժեքին համապատասխան գույք՝ ընդհանուր ժողովի որոշմամբ,

4) եթե Ընկերության կանոնադրական կապիտալում որպես ավանդ մասնակցի կողմից ներդրվել է գույքի օգտագործման իրավունք, ապա Ընկերությունը այն պահպանում է մինչև օգտագործման իրավունքի ժամկետի ավարտը,

5) մասնակիցը պարտավոր չէ վերադարձնել իր կողմից բարեխղճորեն ստացած շահույթը:

Ընկերությունը պարտավոր է մասնակցին վճարել բաժնեմասի արժեքը Ընկերությունից դուրս գալու մասին դիմումը ներկայացնելու պահից՝ 6 ամսվա ընթացքում:

28. Ընկերության մասնակիցն իրավունք ունի իր սեփականությունը հանդիսացող բաժնեմասը (դրա մասը) գրավ դնել Ընկերության մեկ կամ մի քանի մասնակիցների և երրորդ անձանց: Գրավի իրավունքը ծագում է իրավաբանական անձանց պետական գրանցումն իրականացնող մարմնի կողմից գրավի իրավունքի գրանցման՝ պահից: Գրավ դրված բաժնեմասի (դրա մասի) վրա բռնագանձում տարածելու դեպքում Ընկերության մյուս մասնակիցները և Ընկերությունն օգտվում են բաժնեմասի (դրա մասի) ձեռքբերման նախապատվության իրավունքից՝ Օրենքով և սույն կանոնադրությամբ սահմանված կարգով:

29. Ընկերության կանոնադրական կապիտալում Ընկերության մասնակցի բաժնեմասի վրա բռնագանձում տարածելը կամ բռնագրավումը կատարվում է Օրենսգրքով և Օրենքով սահմանված դեպքերում և կարգով:

5. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼԸ, ՆՐԱ ՓՈՓՈԽՈՒՄԸ

30. Ընկերության կանոնադրական կապիտալը կազմում է 61.540.136 (վաթսունմեկ միլիոն հինգ հարյուր քառասուն հազար հարյուր երեսունվեց) ՀՀ դրամ, որը կազմում է 61.450.136 դրամ անվանական արժեքով մեկ բաժնեմաս:

Ընկերության կանոնադրական կապիտալը լրիվ վճարված է և պատկանում է Ընկերության մասնակիցներին:

31. Ընկերության մասնակիցները կարող են իրենց բաժնեմասերը օտարել սույն կանոնադրության 24-րդ կետով սահմանված կարգով:

32. Ընկերությունը կարող է փոփոխել կանոնադրական կապիտալի մեծությունը: Այդ մասին որոշումն ուժի մեջ է մտնում պետական ռեգիստրում համապատասխան փոփոխությունների պետական գրանցման պահից:

33. Ընկերության կանոնադրական կապիտալի ավելացումը հնարավոր է միայն նրա ամբողջությամբ վճարելուց հետո: Ընկերության կանոնադրական կապիտալի ավելացումը կարող է կատարվել Ընկերության գույքի հաշվին, Ընկերության մասնակիցների լրացուցիչ ավանդների հաշվին, երրորդ անձանց ավանդների հաշվին:

Ընկերության մասնակիցների լրացուցիչ կամ երրորդ անձանց ավանդների հաշվին կանոնադրական կապիտալի ավելացման մասին որոշումն ընդունվում է ընկերության մասնակիցների ձայների առնվազն երկու երրորդով, որով որոշվում է լրացուցիչ ներդրումների գումարային արժեքը և ներդրումների կատարման կարգն ու ժամկետները: Այդ որոշմամբ պետք է սահմանվի լրացուցիչ ավանդների ընդհանուր արժեքը, ինչպես նաև սահմանվի լրացուցիչ ավանդի արժեքի և այն գումարի՝ բոլոր մասնակիցների համար միասնական հարաբերակցությունը, որով ավելացվում է նրա բաժնեմասի անվանական արժեքը: Նշված հարաբերակցությունը չի կարող մեկից և Ընկերության զուտ ակտիվների ու կանոնադրական կապիտալի հարաբերությունից մեծ լինել: Սահմանված ժամկետի ավարտից հետո մեկ ամսվա ընթացքում Ընկերության մասնակիցների ընդհանուր ժողովը պարտավոր է որոշում ընդունել (ձայների որակյալ մեծամասնությամբ) լրացուցիչ ավանդների ներդրման արդյունքների, ներդրումների հաշվին ձևավորված կանոնադրական կապիտալի, Ընկերության մասնակիցների բաժնեմասերի չափերի փոփոխման և սույն կանոնադրության փոփոխությունը (կամ նոր խմբագրությամբ կանոնադրությունը) հաստատելու մասին:

Լրացուցիչ ավանդները ներդրվում են այդ մասին որոշում ընդունելուց հետո, մեկ տարվա ընթացքում:

Ընկերության մասնակիցների կողմից լրացուցիչ ավանդների ներդրման միջոցով կանոնադրական կապիտալի ավելացման կարգն ու պայմանները սահմանվում են Օրենքով:

Ընկերության մասնակցի կամ երրորդ անձի դիմումի հիման վրա Ընկերության կանոնադրական կապիտալի ավելացման կարգն ու պայմանները սահմանվում են Օրենքով:

34. Ընկերությունն իրավունք ունի, իսկ Օրենքով սահմանված դեպքում պարտավոր է նվազեցնել իր կանոնադրական կապիտալը:

Եթե երկրորդ կամ յուրաքանչյուր հաջորդ ֆինանսական տարվա ավարտից հետո Ընկերության զուտ ակտիվների արժեքը պակաս է կանոնադրական կապիտալից, ապա Ընկերությունը պարտավոր է հայտարարել իր կանոնադրական կապիտալի նվազման մասին և սահմանված կարգով գրանցել դրա նվազումը: Եթե Ընկերության նշված ակտիվների արժեքը կազմում է բացասական մեծություն, Ընկերությունը ենթակա է լուծարման:

Ընկերության կանոնադրական կապիտալի նվազեցում թույլատրվում է նրա բոլոր պարտատերերին Օրենքով սահմանված կարգով և ժամկետներում տեղեկացնելուց հետո: Ընկերության պարտատերերն իրավունք ունեն գրավոր տեղեկացումն ստանալու պահից՝ 30 օրվա ընթացքում պահանջել իրենց նկատմամբ Ընկերության պարտավորությունների կատարման լրացուցիչ երաշխիքներ կամ պարտավորությունների վաղաժամկետ դադարում կամ կատարում, ինչպես նաև իրենց վնասների հատուցում: Սույն կետով նախատեսված դեպքերում Ընկերությունը պարտավոր է մեկ ամսվա ընթացքում որոշում ընդունել իր կանոնադրական կապիտալը նվազեցնելու կամ Ընկերության լուծարման վերաբերյալ: Սույն կետում նշված ժամկետի ավարտից հետո Ընկերության մասնակիցների ընդհանուր ժողովում այլ հարցեր քննարկվել չեն կարող, բացառությամբ սույն կետով պայմանավորված կանոնադրական կապիտալի նվազեցման կամ լուծարման դեպքերի:

Ընկերության կանոնադրական կապիտալի նվազեցում կարող է կատարվել բոլոր մասնակիցների բաժնեմասերի անվանական արժեքների նվազեցմամբ և (կամ) Ընկերությանը պատկանող բաժնեմասերի մարմամբ:

35. Կանոնադրական կապիտալի ավելացման կամ նվազեցման մասին որոշումն ուժի մեջ է մտնում այդ փոփոխության պետական գրանցման պահից:

6. ԸՆԿԵՐՈՒԹՅԱՆ ԳՈՒՅՔԸ, ԿԱՊԻՏԱԼՆԵՐՆ ՈՒ ՇԱՀՈՒՅԹԸ

36. Ընկերությունը հանդիսանում է սեփականատեր՝

1) Ընկերության հիմնադիրների (մասնակիցների) ավանդների և դրանց հաշվին ստեղծված գույքի,

2) Ընկերության՝ տնտեսական գործունեության հետևանքով արտադրած արտադրանքի և ձեռք բերված գույքի,

3) ստացված եկամուտների,

4) գործող օրենսդրությամբ չարգելված հիմունքներով ձեռք բերված գույքի:

Ընկերության սեփականության ներքո կարող է գտնվել ցանկացած գույք՝ բացառությամբ գույքի առանձին տեսակների, որոնք օրենքին համապատասխան չեն կարող պատկանել իրավաբանական անձանց:

Ընկերության գույքի նկատմամբ սեփականության իրավունք ձեռք բերելու, իրավունքը դադարելու, գույքը տիրապետելու, օգտագործելու և տնօրինելու առանձնահատկությունները, կապված գույքը Ընկերության սեփականությանը պատկանելու հանգամանքի հետ, սահմանվում են միայն օրենքներով:

37. Ընկերության մասնակցի ներդրումը կարող է լինել դրամ, արժեթղթեր, այլ գույք կամ գույքային իրավունքներ, ինչպես նաև դրամական գնահատում ունեցող այլ իրավունքներ:

Ներդրվող գույքի արժեքը որոշվում է Ընկերության հիմնադիրների (մասնակիցների) միջև համաձայնությամբ և ենթակա է անկախ փորձագիտական վերստուգման (աուդիտի):

Ընկերության հիմնադիրների (մասնակիցների) կամ Ընկերության մեջ ընդգրկվող երրորդ անձանց կողմից ներդրվող ոչ դրամային ավանդների դրամական գնահատականը հաստատվում է ընդհանուր ժողովի կողմից՝ միաձայն կարգով և պետք է գնահատվի անկախ գնահատողի կողմից:

Կանոնադրական կապիտալում մասնակցի բաժնեմասը գնահատվում է Հայաստանի Հանրապետության արժույթով:

38. Եթե գույքը, նյութական արժեքները, ֆինանսական և այլ ռեսուրսները փոխանցվում են Ընկերությանը միայն օգտագործման նպատակով, ապա ներդնման չափը և համապատասխանաբար մասնակից-վարձատուի բաժնեմասը որոշվում է ելնելով այդ գույքի օգտագործման դիմաց տրվող վարձակալական վճարից:

39. Ընկերությունում ստեղծվում է պահուստային կապիտալ կանոնադրական կապիտալի 10 %-ի չափով: Այս կապիտալի ձևավորումն իրականացվում է շահույթից կատարվող տարեկան մասհանումների միջոցով՝ մինչև նախատեսված չափերին հասնելը: Պահուստային կապիտալ կատարվող մասհանումների չափը սահմանում է զուտ շահույթի առնվազն 5 %-ի չափով: Պահուստային կապիտալի միջոցների ծախսման կարգը որոշվում է մասնակիցների ընդհանուր ժողովի կողմից:

40. Սահմանված կարգով առաջացող զուտ շահույթի բաշխումը Ընկերության մասնակիցների միջև իրականացվում է կանոնադրական կապիտալում մասնակիցների ունեցած բաժնեմասերին համապատասխան՝ Օրենքով սահմանված կարգով:

7. ԸՆԿԵՐՈՒԹՅԱՆ ԿԱՌԱՎԱՐՈՒՄԸ

41. Ընկերության մարմիններն են՝ Ընկերության մասնակիցների ընդհանուր ժողովը, Ընկերության խորհուրդը, Ընկերության գործադիր մարմինը՝ տնօրենը:

42. Ընկերության կառավարման բարձրագույն մարմինը Ընկերության մասնակիցների ընդհանուր ժողովն է, որն ունի Ընկերության կառավարման և գործունեության ցանկացած հարցի վերջնական լուծման իրավունք:

Ընկերության մասնակիցների ընդհանուր ժողովներում քվեարկությունների ժամանակ Ընկերության մասնակիցներն ունեն Ընկերության կանոնադրական կապիտալում իրենց բաժնեմասերին համապատասխան ձայների քանակ:

Մեկ մասնակից ունեցող ընկերությունում ընդհանուր ժողովի իրավասությանը վերաբերող հարցերի կապակցությամբ կարող են ընդունվել ընկերության միակ մասնակցի գրավոր որոշմամբ:

43. Ընկերության մասնակիցների հերթական ընդհանուր ժողովը հրավիրվում է Ընկերության տնօրենի կողմից տարեկան մեկ անգամ ֆինանսական տարվա ավարտից ոչ շուտ, քան երկու ամիս և ոչ ուշ, քան վեց ամիս անց: Ընկերությունը պարտավոր է ամեն տարի գումարել մասնակիցների հերթական ընդհանուր ժողով՝ Ընկերության գործունեության տարեկան արդյունքները հաստատելու համար:

Ընկերության մասնակիցների արտահերթ ընդհանուր ժողովը հրավիրվում է Ընկերության տնօրենի կողմից Օրենքով և Ընկերության կանոնադրությամբ սահմանված դեպքերում, ինչպես նաև բոլոր այն դեպքերում, երբ դա են պահանջում Ընկերության և նրա մասնակիցների շահերը:

Ընդհանուր ժողով հրավիրող մարմինը կամ անձինք պարտավոր են ժողովի անցկացման օրվանից ամենաուշը մեկ օր առաջ այդ մասին ծանուցել Ընկերության մասնակիցներին՝ պատվիրված նամակն ուղարկելով Ընկերության մասնակիցների գրանցամատյանում նշված հասցեով: Ծանուցման մեջ պետք է նշված լինեն ընդհանուր ժողովի անցկացման ժամը և տեղը, ինչպես նաև առաջարկվող օրակարգը:

44. Ընկերության մասնակիցների ընդհանուր ժողովի իրավասությանն են պատկանում.

1) Ընկերության կանոնադրության մեջ փոփոխությունների և լրացումների կատարումը, Ընկերության կանոնադրության հաստատումը նոր խմբագրությամբ,

2) Ընկերության կողմից բաժնեմասի (բաժնեմասերի) ձեռք բերումը և դրանց իրացումը Օրենքով սահմանված դեպքերում,

3) Ընկերության վերակազմակերպումը,

4) Ընկերության լուծարումը,

5) Ընկերության լուծարման հանձնաժողովի նշանակումը և լուծարման հաշվեկշիռների (լուծարման ամփոփիչ, լուծարման միջանկյալ և լուծարման հաշվեկշիռների) հաստատումը,

6) Ընկերության կանոնադրական կապիտալի չափի ավելացումը,

7) Ընկերության կանոնադրական կապիտալի չափի նվազեցումը,

8) կազմակերպությունների հիմնադրումը, Ընկերության խորհրդի ձևավորումը,

9) կազմակերպություններում մասնակցության մասին որոշումների ընդունումը,

10) Ընկերության տնօրենի նշանակումը, նրա լիազորությունների վաղաժամկետ դադարեցումը, ինչպես նաև Ընկերության գործադիր մարմնի լիազորությունները կառավարչին (առևտրային կազմակերպություն կամ անհատ ձեռնարկատեր) տալու հարցերը,

11) Ընկերության վերստուգիչ հանձնաժողովի անդամների (վերստուգողի) ընտրությունը և նրանց (նրա) լիազորությունների վաղաժամկետ դադարեցումը,

12) Ընկերության աուդիտն իրականացնող անձի հաստատումը,

13) Ընկերության աուդիտի իրականացման մասին որոշումն ընդունելը,

14) Ընկերության տարեկան հաշվետվությունների, տարեկան հաշվապահական հաշվեկշռի հաստատումը,

15) Ընկերության շահույթն ընկերության մասնակիցների միջև բաշխման մասին որոշման ընդունումը,

16) Ընկերության մասնաճյուղերի, ներկայացուցչությունների և հիմնարկների աշխատանքի տարեկան արդյունքների հաստատումը,

17) Ընկերության գործունեության հիմնական ուղղությունների որոշումը,

18) Ընկերության կողմից արժեթղթերի թողարկման մասին որոշումն ընդունելը,

19) Ընկերության գույքի օտարման և ձեռքբերման հետ կապված խոշոր գործարքներ (որոնց արժեքը գերազանցում է զուտ ակտիվների մեծության 1/4-ը) կատարելու մասին որոշման ընդունումը,

20) Ընկերության մասնաճյուղերի, ներկայացուցչությունների և հիմնարկների ստեղծումը, գործունեության դադարեցումը, դրանց կանոնադրությունների հաստատումը,

21) Ընկերության ներքին գործունեությունը կարգավորող փաստաթղթերի (Ընկերության ներքին փաստաթղթեր) ընդունումը,

22) ղեկավար պաշտոնատար անձանց աշխատանքի վարձատրման պայմանների որոշումը:

Ընկերության մասնակիցների ընդհանուր ժողովն իրավունք ունի քննարկել և որոշումներ ընդունել նաև Օրենքով և սույն կանոնադրությամբ ընդհանուր ժողովի իրավասությանը պատկանող ցանկացած հարցի շուրջ:

45. Սույն կանոնադրության 44-րդ կետի բոլոր ենթակետերով (բացի 12 և 16 ենթակետերից) սահմանված հարցերը հանդիսանում են Ընկերության մասնակիցների ընդհանուր ժողովի բացառիկ իրավասության հարցեր և չեն կարող փոխանցվել ընկերության գործադիր մարմնին:

46. Ընկերության մասնակիցների ընդհանուր ժողովն իրավազոր է (քվորում ունի), եթե դրան մասնակցում են Ընկերության մասնակիցների ձայների ընդհանուր թվի կեսից ավելին տնօրինող մասնակիցները: Սույն կանոնադրությամբ նախատեսված դեպքերում (երբ քննարկվող հարցը պահանջում է բոլոր մասնակիցների միաձայնությունը) ժողովը իրավասու է բոլոր մասնակիցների (ներառյալ ցուցիչների) ներկայության դեպքում:

47. Սույն կանոնադրության 44-րդ կետի 1, 6, 7, ենթակետերով սահմանված հարցերի շուրջ որոշումներն ընդունվում են ժողովին մասնակցողների ձայների երեք քառորդով, սակայն ոչ պակաս Ընկերության բոլոր մասնակիցների ձայների երկու երրորդից, 44-րդ կետի 10 և 19 ենթակետերով սահմանված հարցերի շուրջ որոշումներն ընդունվում են ժողովին մասնակցողների ձայների երեք քառորդով, 11, 14 և 15 ենթակետերով սահմանված հարցերի շուրջ որոշումներն ընդունվում են ժողովին մասնակցողների ձայների երկու երրորդով, սակայն ոչ պակաս Ընկերության բոլոր մասնակիցների ձայների կեսից, 3 և 4 ենթակետերով սահմանված հարցերի շուրջ որոշումներն ընդունվում են Ընկերության մասնակիցների միաձայն որոշմամբ, իսկ մնացած հարցերի շուրջ՝ Ընկերության բոլոր մասնակիցների ձայների պարզ մեծամասնությամբ:

48. Ընկերության մասնակիցների ընդհանուր ժողովի իրավասությանը վերաբերվող հարցերի լուծումը կատարվում է ժողովի նիստում՝ օրակարգի հարցերի քննարկման, քվեարկության դրված հարցերի վերաբերյալ որոշումների ընդունման նպատակով մասնակիցների համատեղ ներկա գտնվելով կամ հեռակա կարգով քվեարկության (հարցման) միջոցով: Այդ դեպքում որոշման նախագիծը ուղարկվում է մասնակիցներին, որոնք պետք է գրավոր հայտեն իրենց կարծիքը: Նման քվեարկություն կարող է անցկացվել փաստաթղթերը փոստային, հեռագրային, հեռատիպային, հեռախոսային, էլեկտրոնային կամ փոխանցվող և ընդունվող հաղորդագրությունների իսկությունը և դրանց փաստաթղթային հաստատումն ապահովող կապի այլ միջոցներով փոխանակելու միջոցով:

49. Ընկերության մասնակիցների ընդհանուր ժողովների որոշումներն ընդունվում են բաց քվեարկությամբ:

50. Մեկ մասնակից ունեցող Ընկերությունում Ընկերության մասնակիցների ընդհանուր ժողովի իրավասության հարցերի կապակցությամբ որոշումները կարող են ընդունվել Ընկերության միակ մասնակցի գրավոր որոշմամբ:

51. Ընդհանուր ժողովին մասնակցելու իրավունք ունեն (առանց ձայնի իրավունքի) տնօրենը, վերստուգիչ հանձնաժողովի անդամները, կամ վերստուգողը, աուդիտն իրականացնող անձը:

52. Ընկերության յուրաքանչյուր մասնակից իրավունք ունի պահանջելու հարցերի քննարկում Ընկերության մասնակիցների ընդհանուր ժողովում, այն պայմանով, որ այն ներկայացված լինի նիստը սկսվելուց առնվազն 10 օր առաջ:

53. Ընկերության գործունեության ընդհանուր ղեկավարումն իրականացնում է Խորհուրդը: Խորհուրդն իր գործունեությունն իրականացնելիս՝ ելնում է Ընկերության շահերից, հաշվետու է ընդհանուր ժողովին, գործում է << օրենսդրությանը, կանոնադրությանը համապատասխան:

54. Խորհրդի անդամների քանակը և ընտրման ժամկետները սահմանվում է Ընդհանուր ժողովի որոշմամբ: Խորհուրդը պետք է կազմված լինի առնվազն երեք անդամից, որոնցից մեկ երրորդը պետք է լինի անկախ:

55. Խորհուրդն իրականացնում է հետևյալ իրավասությունները.

1) Գործադիր մարմնի գործունեության գնահատումը,

2) Ընկերության կողմից պարտատոմսեր թողարկելու վերաբերյալ Ընդհանուր ժողովին (միակ մասնակցին) առաջարկ ներկայացնելը, Ընկերության կողմից պարտատոմսերի թողարկման վերաբերյալ որոշման ընդունումը,

3) Ընկերության ռազմավարական կառավարման ու առաջընթացի ապահովման տեսանկյունից՝ ընդհանուր ժողովին (միակ մասնակցին) և գործադիր մարմնին առաջարկներ ներկայացնելը,

4) Ընկերության գործունեությունը կարգավորող ներքին իրավական ակտերի հաստատումը,

5) Առնվազն երեք ամիսը մեկ անգամ հրավիրում է խորհրդի նիստ, մասնակիցների ընդհանուր ժողովի (միակ մասնակցի), տնօրենի (գործադիր մարմնի) կամ խորհրդի անդամների առաջարկած օրակարգով,

6) Խորհրդի անդամների և խորհրդին կից հանձնաժողովների վարձատրության և դրա պայմանների վերաբերյալ ընդհանուր ժողովին (միակ մասնակցին) առաջարկությունների ներկայացումը,

7) Գործարար ծրագրերի դիտարկումն ու ուղղորդումը, կորպորատիվ ծրագրերի իրագործման, կապիտալ ծախսերի, ձեռքբերումների և վաճառքների վերահսկումը:

56. Ընկերության ընթացիկ գործունեության ղեկավարումն իրականացնում է գործադիր մարմինը (տնօրենը), որն ընտրվում է Ընկերության մասնակիցների ընդհանուր ժողովի կողմից երեք տարի ժամկետով: Ընկերության և Ընկերության տնօրենի միջև պայմանագիրը ստորագրվում է տնօրենին ընտրած ընդհանուր ժողովը նախագահող անձի կամ ընդհանուր ժողովի կողմից լիազորված անձի կողմից (եթե տվյալ ընդհանուր ժողովում նախագահել է նոր կամ նախկին տնօրենը):

Տնօրենը լուծում է բոլոր հարցերը, բացի Ընկերության մասնակիցների ընդհանուր ժողովի, Խորհրդի բացառիկ իրավասությանը վերաբերող հարցերից: Տնօրենը հրավիրում է Ընկերության մասնակիցների հերթական ու արտահերթ ընդհանուր ժողովները, կազմակերպում է Ընկերության մասնակիցների ընդհանուր ժողովների որոշումների կատարումը, հաշվետու է ընդհանուր ժողովին և իրավունք չունի մասնակիցների համար պարտադիր որոշումներ կայացնելու:

Տնօրենն իրավունք ունի առանց լիազորության գործարքներ կատարել Ընկերության անունից, եթե գործարքի գումարը չի գերազանցում զուտ ակտիվների մեծության 25 %-ից:

Ընկերության տնօրենը պետք է գործի բարեխղճորեն և ողջամիտ՝ ի շահ իր կողմից ներկայացվող Ընկերության: Նա պարտավոր է Ընկերության կամ Ընկերության մասնակիցների պահանջով հատուցել իր կողմից Ընկերությանը պատճառած վնասները: Ընկերությանը պատճառած վնասների հատուցման հայցով դատարան դիմելու իրավունք ունի Ընկերությունը կամ նրա մասնակիցը:

57. Ընկերության տնօրենն իր իրավասության սահմաններում՝

1) առանց լիազորագրի գործում է Ընկերության անունից,

2) տնօրինում է Ընկերության գույքը, այդ թվում ֆինանսական ռեսուրսները,

3) կնքում է պայմանագրեր, այդ թվում՝ աշխատանքային,

4) տալիս է լիազորագրեր, այդ թվում՝ վերալիազորման իրավունքով,

5) բանկերում բացում է հաշվարկային և այլ հաշիվներ,

6) հաստատում է հաստիքներ,

7) իրականացնում է Օրենքով, Ընկերության կանոնադրությամբ իրեն վերապահված կամ Ընկերության ընդհանուր ժողովի կողմից տրված այլ լիազորություններ և հանձնարարություններ:

58. Ընկերությունն իրավասու է իր գործադիր մարմնի իրավասությունները փոխանցել կառավարչին (առևտրային կազմակերպություն կամ անհատ ձեռնարկատեր):

59. Ընկերության վերստուգիչ հանձնաժողովն (վերստուգողն) ընտրվում է ընդհանուր ժողովի կողմից՝ 3 տարի ժամկետով: Ընկերության վերստուգիչ հանձնաժողովը բաղկացած է երեք անդամներից (նախագահ և հանձնաժողովի երկու անդամներ):

Վերստուգիչ հանձնաժողովն (վերստուգողն) իրականացնում է Ընկերության ֆինանսատնտեսական գործունեության տարեկան արդյունքների ստուգումը, ստուգում է Ընկերության ֆինանսատնտեսական գործունեությունը սեփական նախաձեռնությամբ, ինչպես նաև

Ընկերության մասնակիցների ընդհանուր ժողովի որոշմամբ, ինչպես նաև Ընկերության մասնակիցներից յուրաքանչյուրի պահանջով:

Տնօրենը չի կարող լինել վերստուգիչ հանձնաժողովի անդամ կամ վերստուգող:

Վերստուգիչ հանձնաժողովն (վերստուգողն) իրավունք ունի Ընկերության պաշտոնատար անձանցից պահանջելու իրեն ներկայացնել բոլոր անհրաժեշտ նյութերը, անձնական բացատրությունները՝ գրավոր կամ բանավոր ձևով:

Ընկերության ֆինանսատնտեսական գործունեության ստուգումն իրականացվում է գործող օրենսդրությանը համապատասխան՝ Հայաստանի Հանրապետության լիազորված մարմինների, հսկողական ծառայությունների կողմից՝ իրենց իրավասությունների սահմաններում: Ընկերությունը պարտավոր է ֆինանսատնտեսական գործունեության ստուգում կատարել ոչ ուշ, քան տարին մեկ անգամ:

Վերստուգիչ հանձնաժողովը ստուգումների արդյունքներն ուղարկում է Ընկերության ընդհանուր ժողով: Վերստուգիչ հանձնաժողովն ըստ տարեկան հաշվետվության և հաշվեկշռի կազմում է եզրակացություն: Առանց այդ եզրակացության՝ Ընկերության հաշվեկշիռն ենթակա չէ հաստատման ընդհանուր ժողովի կողմից: Վերստուգիչ հանձնաժողովը պարտավոր է պահանջել գումարելու արտահերթ նիստ, եթե գտնում է, որ Ընկերության շահերին էական սպառնալիք է առաջացել:

Ընկերության տարեկան ֆինանսական հաշվետվության հավաստիությունը վերստուգելու համար Ընկերությունն իրավունք ունի ամեն տարի ներգրավել Ընկերության կամ նրա մասնակիցների հետ գույքային շահերով չկապված արհեստավարժ վերստուգիչի՝ աուդիտորի (արտաքին աուդիտ):

Ընկերության ընդհանուր ժողովի որոշմամբ՝ վերստուգիչ հանձնաժողովի գործառույթները կարող է իրականացնել վերստուգողը, որը պետք է հաշվետու լինի միայն ընդհանուր ժողովին:

Որպես վերստուգող կամ վերստուգիչ հանձնաժողովի անդամ կարող է լինել նաև Ընկերության մասնակից չհանդիսացող անձը: Վերստուգողը կարող է միաժամանակ սպասարկել մեկից ավելի իրավաբանական անձանց:

8. ԸՆԿԵՐՈՒԹՅԱՆ, ԱՌԱՆՁՆԱՑՎԱԾ ՍՏՈՐԱԲԱԺԱՆՈՒՄՆԵՐԸ, ՀԻՄՆԱՐԿՆԵՐԸ

60. Հայաստանի Հանրապետության տարածքում և նրանից դուրս Ընկերությունը չունի մասնաճյուղեր և ներկայացուցչություններ:

61. Հայաստանի Հանրապետության տարածքում և նրանից դուրս Ընկերությունը չունի հիմնարկներ:

9. ԸՆԿԵՐՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

62. Ընկերությունը, նրա մասնակիցների միաձայն որոշմամբ, կարող է կամովին վերակազմակերպվել կամ լուծարվել:

Ընկերությունը կարող է դատական կարգով վերակազմակերպվել կամ լուծարվել միայն օրենքով սահմանված դեպքերում և կարգով:

Եթե լուծարվող ընկերության գույքի արժեքն անբավարար է պարտատերերի պահանջները բավարարելու համար, ապա այն կարող է լուծարվել միայն սնանկության հետևանքով:

Ընկերության վերակազմակերպման ու լուծարման կարգը և պայմանները սահմանվում են Օրենսգրքով և այլ օրենքներով:

63. Ընկերությունն իրավունք ունի վերակազմավորվել բաժնետիրական ընկերության կամ առևտրային կոոպերատիվի:

64. Ընկերությունը համարվում է լուծարված, իսկ նրա գործունեությունը՝ դադարած, այդ մասին իրավաբանական անձանց պետական գրանցումն իրականացնող մարմնի կողմից պետական գրանցման պահից:

**«ՄԼ ՖԵՇՆ»
ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
մասնակիցների ցուցակ**

Մասնակցի անունը, ազգանունը, հայրանունը, անձնագրի տվյալները, հանրային ծառայության համարանիշը, հաշվառման հասցեն	բաժնեմասը (դրամ)	բաժնեմասի չափը	ստորագրություն
1. Հայաստանի Հանրապետության քաղաքացի Լիանա Մարտիրոսյան Ռաֆիկի Անձնագիր AX 0268276 տրված 21.05.2024թ. 019- ի կողմից ՀԾՀ 5202770098 քաղ. Երևան, Թումանյան փող. 31շ. բն. 37	61.540.136	100 %	



საქართველოს საგარეო ურთიერთობების მინისტრო	თარიღი	დოკუმენტის ნომერი	საგარეო ურთიერთობების მინისტროს განცხადებით
	2007	61.54.01.38	საგარეო ურთიერთობების მინისტროს განცხადებით საგარეო ურთიერთობების მინისტროს განცხადებით